

مجموعہ ابوالضیا

ماسوا غائبہ سندن دلی تطہیرہ چالش
پرتو حکمت و عرفان ایہ تصویرہ آتش

علوم و معارف دین بحث ایدرہ و ہر ماہ ہر بی ابتدائیلہ اون ہشتندہ نشر اولنور مجموعہ فنون ہندوہ

نومرو ۱۷ - جلد ۲ [فی ۱۵ جمادی الاول سنہ ۱۲۹۸] نسخہ سی ۳ فروش

« والخاصصل مطغونلر الك مدھش بر حالده اولورلر ایدی .
 جنازه لری پایاسسز کوتوریلیردی . اولر واردی که ساکنلری بر کونده
 بر ضربه طاعون ایله زیر وزیر اوله رق ، قیالی قالمش ؛ ودها طوقریسی
 مسکنلکدن مزارغه تحول ایلش ایدی .

« وبا کتدیکجه شدنی آرئیر ایدی ؛ چونکه کتدیکجه تنفس ایدیلان
 هوا کسب عفونت ایلردی . زیرا بر چوق نعلار میدانده یاتیر و کیمسه
 دفنه جسارتیاب اوله مز ایدی . آئردن صعود ایدن تعفن هوایی افساد
 ایلردی .

« بو ائاده افکار عامه اول رتبه بولانمش ؛ وقلوب عامه یه اول قدر
 خوف ودهشت استیلا ایلش ایدی که هر فرد وفاتک ساعت و دقیقه سنی
 بکمر والک عزیز و محترم اولان اقربا و اولادینی یله دوشنه مز ایدی . »

ملفوظات تاریخیه

امام حسن حضرتلرندن صکره (حسن) امنده کلان ایلاک خلیفه
 مستضی بالله ابو محمد حسن در که خلغای عباسیه نک اوتوز اوچنجیسی اولوب ،
 ۵۶۶ سنه هجریه سنده جلوس ایتشد .

۵۱۶ ده کعبه مکرمده بر حرکت ارض وقوع بولهرق ، (رکن بمانی)
 زده لئمش ؛ و بعض مواضعی دخی بیقاشدر .

وزرای عباسیه دن ابن الزیات غایت مودی و ظلوم بر آدم اولوب ،
 برطاندر (تنور) یاپدیرمش ایدی که طیشاریسندن اکسرلر یخلمش
 و اوچلری طاندرک ایچ طرفنه کچمش ایدی . مالی چیقارتمق ایسته دیکی
 آدم لری او طاندره القا ایدهرک بر طرفدن حرارتک شدتیه حرکت ایتدیکجه
 وجودی سیوری اکسرله صاپلانهرق ، اشتداد اذا والمنی موجب اولور

و بوضو رتله سیطان پسندانه بر اذیتله اولدیرر ایدی . نهایت منوکل خلیفه که عباسیلرک او تجبسی در؛ کندیسنی دخی اثر اختراعی اولان طاندیره آتدیروب خلقه ایتدیکی اذانک چاشنیسینی طاندیرمشدر .

بغداد شهری منصور طرفندن تأسیس اولمشدر که وضع اساسی ۱۴۴ تاریخ هجریسنه متصادقدر .

صاحب المذهب ابوحنیفه نعمان بن ثابت حضر تارینه مقدمات منصور مسند قضایی تکلیف ایلدیکی حالده، قبول ایتدیره مامش ایدی؛ سور بغداده شروع اولندیغی زمان بنا امانتی تکلیف ایلدکه امام مشار الیه حضر تری ممنوناً قبول ایش و حتی جزوی بر اجرت یومیه دخی آلمشدر . (رضی الله عنه)

هجرتک مائه رابعه سنده حلب وقتسربنه حکم ایدن ملوک بنی حداندن مشهور سیف الدوله حیاتنده بالذات بولندیغی غزالده البسه سی اوزرنده تراکم ایدن توزلی جمع ایله آندن (الآبه سی قدر) بر کر بیج اعمال ایش و مزاره دفن اولندیغی زمان ذکر اولنان کر بیجی صاغ بناغنک آلتنه قو . یه لینی وصیت ایش و حین وفاتنده وصیتی اجرا ایلمشدر .

امام ثعالی (بقه الدهر) اسمنده کی تألیفنده ملوک بنی حدانی و تخصیص سیف الدوله بی فوق الغایه ثنا و وصفنده اطرا ایشدر .

مشار الیه شعرا و ادبایه حرمت و اکرامه مائل و قدر شناسلقله مشهر اولدبغندن زماننده حلبده و کندی انجمن ادبنده اجتماع ایدن شعرا خلفای عباسیه دن غیری بر پادشاهک نزدنده جمع اولماشدر .

ابوالطیبیک اک مشهور قصیده لری و سری رفانک و سائر مشاهیر شعرانک طنامه قاصیده لری هب مشار الیهک مدحنده در .